

CB(1)622/10-11(07)



# 香港中小企協會

Hong Kong Small And Medium Enterprises Association

29-11-2010

各位議員，各位政府官員，各位朋友大家好

我是香港中小企協會會長余繼泉，今日我代表我們商會發表對公平競爭法的意見，請大家多多指教。

我地協會非常關注公平競爭法嘅發展，因為唔公平競爭嘅行爲，係會嚴重影響我地社會同埋經濟嘅發展，阻礙香港進步，而且仲會威脅中小企嘅生存，影響好多人嘅生計；香港嘅成功，就係因為睇呢百幾年嚟，有好嘅法治，有公平嘅營商環境，良性競爭使到我地更加優秀，但係嘛累積咗一段時間嘅成績之後，有啲企業發展到一定嘅規模，嘛行業上有咗優勢，變成咗享有特權，就想壟斷個市場慢慢欺，咁樣嘅做法，唔單止會削弱香港整體嘅競爭力，而且仲會扼殺中小企，我地絕對需要重視呢啲行爲所帶嚟嘅影響，我地相信制訂公平競爭法，係可以減少呢啲行爲，使市民同消費者得益，同埋可以有機會比中小企立足，對香港社會嘅整體發展係一個非常重要嘅里程碑。

睇目前無公平競爭法嘅情況底下，我地香港都見到，油公司，超級市場，巴士公司等，有好多商業機構，為咗要賺更多錢，或者要保護自己嘅利益，唔單止唔理會政府同埋社會其他持份者嘅反對聲音，而且不擇手段，利用自己嘅優勢，甚至乎跨行業嘅影響力，去阻止競爭對手出現或者殺死競爭對手，就出現咗較早前有物業管理公司唔准其他報社派報，只准住客派報，超級市場訂購報紙嘅情況出現，呢啲行爲，嚴重影響我地嘅民生。

仲有，我地希望政府唔給免一啲機構，以攞香港政府數以億計資助嘅貿發局咁，為咗要賺更多錢，唔單止不擇手段去打擊其競爭對手，但竟然將大比例嘅親參展位置，唔租畀香港參展商，而畀畀其他嘅參展商，呢啲行爲唔單止令香港嘅中小企得唔到公平競爭，簡直就係扼殺香港中小企，我地唔能夠坐視不理，如果我地比貿發局唔受公平競爭法嘅監控，我地香港嘅中小企一定死晒，咁公平競爭法就其咁重要，我地強烈反應貿發局可以得到豁免。

成立公平競爭法必需要全面，盡量無任何豁免，特別有政黨擔心大財團有財有勢，大把法律專家，大財團會利用法律去打擊中小企，立法而唔計其利害，我都同意有呢個可能性，但我地唔應該被比沙皇國立法，反而我地建議公平競爭法出台嘅時候，政府應該同時或者更早設立專責部門，去幫助嘅中小企業深入解呢條法例，設置免費查詢同埋投訴嘅平台比中小企，教育佢地小心處理面對競爭策略，如果出現懷疑大財團打擊中小企案件，即時資助佢地嘅法律上面嘅負擔，咁樣先能夠令香港進步，帶領香港人進入新嘅紀元。

最後一點，香港政府處理呢條公平競爭法，由研究到而家，大大話話成二十年，但係好多香港嘅中小企對呢條法例都毫無了解，包括有乜野內容同埋有乜野影響都睇查查，我地對香港政府睇呢方面嘅宣傳工作同埋嘅公民教育方面係非常不滿，我地希望政府睇呢方面能夠作出改善，加強公民教育同埋宣傳。

最後我地總結一句，我地係非常支持呢條法例通過嘅，多謝大家。

秘書處：香港九龍旺角西洋菜南街 101 號金德行 16 樓 B 室 Tel : (852) 3422 8952 Fax : (852) 3422 8953  
Flat B, 16<sup>th</sup> Floor, 101 Sai Yeung Choi South Street, Mongkok, Kowloon, Hong Kong.